



江蘇省地方志編纂委員會辦公室 編

# 江蘇歷代方志全書

33



江蘇省地方志編纂委員會辦公室編



鳳凰出版社

# 江蘇歷代方志全書

33

蘇州府部

ISBN 978-7-5506-2317-0



圖書在版編目（C I P）數據

江蘇歷代方志全書. 蘇州府部 / 江蘇省地方志編纂  
委員會辦公室編. -- 南京 : 鳳凰出版社, 2016. 7  
ISBN 978-7-5506-2317-0

I. ①江… II. ①江… III. ①江蘇省—地方志 IV.  
①K295. 3

中國版本圖書館CIP數據核字(2016)第131080號

書 名 江蘇歷代方志全書·蘇州府部  
編 者 江蘇省地方志編纂委員會辦公室  
責 任 編 輯 王 劍 王愛榮 吳 瓊 顧 娟 崔廣洲  
裝 幀 設 計 姜 嵩  
出 版 發 行 鳳凰出版傳媒股份有限公司  
鳳凰出版社(原江蘇古籍出版社)  
發行部電話025-83223462  
出版社地址 南京市中央路165號, 郵編:210009  
出版社網址 <http://www.fhcbs.com>  
印 刷 揚州文津閣古籍印務有限公司  
揚州市開發區鴻揚路22-2號(6幢), 郵編:211153  
開 本 889×1194毫米 1/16  
印 張 3253. 25  
版 次 2016年7月第1版 2016年7月第1次印刷  
標 準 書 號 ISBN 978-7-5506-2317-0  
定 價 79200. 00圓(全九十九冊)  
(本書凡印裝錯誤可向承印廠調換, 電話:0514-87969255)

乾隆吳縣志(三)



(清) 姜順蛟 修  
(清) 施謙 纂  
葉長揚 等

# 第三十三册目錄

|          |     |
|----------|-----|
| 乾隆吳縣志（三） | 〇〇一 |
| 民國吳縣志（一） | 三三五 |

乾隆吳縣志卷之七十六

人物

左衛

紀朋周廣滕伯祥沈良惠葛應雷

韓凝倪維德劉勉姚良沈玄

吳誠錢瑛陳公賢周振譽薛鎧

曹德陳道錢宗道韓夷陳錡

施文彬劉毓李懋錢恒王貫

陳寵張冲虛郁審之陳邦珍李濱

劉承宗陸遇春施夢暘楊應春張康忠

乾隆吳縣志

卷七十六 人物

陳履端沈頌沈時譽葉明紳馬叔

汪光爵方震陳洪度公孫聖姚光

吳市吏吳泰趙達葛衝吳士

朱景環顏規李珣祝庶幾鄭君聘

胡舜申王仁美桑宗道沈晟陳讓

吳甘泉徐懋榮金鬼谷柳黃岳陸鈞

乾隆吳縣志卷之七十六

人物 方術

醫以寄死生卜以決休咎聖人亦嘗求其理以前民  
用自李唐來間有傳人前明迄今指不勝屈今人不  
逮古人抑何後來者夥也前志稽康熙辛未以後往  
往僞托不得不為釐正外至雜術亦獲附載

唐

紀朋嘗授秘訣於周廣觀人顏色即知疾深淺言之精詳  
不待診視

乾隆吳縣志

卷七十六 人物

周廣得紀朋學開元中召至京師有宮人每日晨則笑歌  
帝號若狂疾而足不能及地廣曰此必因食飽促力復  
仆於地而然飲以雲母湯令熟寐寢覺失所苦問之乃  
言太華公主誕三日宮中大陳歌吹此宮人主謳欲其  
聲清常食純蹄遂過飽當筵歌大曲曲罷覺胸中甚憤  
鬱於砌臺乘高而下未及半復為後來者所激因仆地  
比蘇卽病狂自是足不能及地又有黃門自交廣使回  
拜舞殿下廣曰此人腹中有蛟龍明年當產一子卽不  
可活矣上驚問黃門有疾否對曰臣馳馬大庾嶺大熱  
而渴飲於路傍野水今腹中堅痞如石廣以消食雄黃  
煮飲之吐出物數寸其大如指鱗甲備具投之水俄頃

數尺遽以茗酒沃之復如故形上驚異之欲官爵因請還吳

宋

滕伯祥慶元間爲人樂善好義鄉黨稱爲滕佛子嘗出郭遇至人得小兒疳方因以爲業

沈良惠亡其名以醫仕宋由汴徙吳高宗賜書良惠二字吳人遂稱良惠沈氏

元

葛應雷字震父攻於醫著醫學會同二十卷推五運六氣之標本察陰陽升降之左右以定五臟六腑之虛實合

龍隆興縣志

卷七十六

人物

二

經絡氣血之流注而知疾病之候死生之期其處方製劑砭熨率與他醫異時浙西提刑判官李其中州名醫也因診父疾復咨於應雷聞其荅父子相顧駭愕曰南方亦有此人耶盡出所藏劉守真張潔諸書與之劉張之學行於江南者自此始由平江醫學教授陞江浙官醫提舉

明

韓凝字復陽宋魏國忠獻王琦後其先安陽人徙居吳之樂橋與弟冲俱精於醫張士誠入吳收引士類凝隱居不仕號中吳盧扁

倪維德字仲賢先爲大梁人徙居吳世以醫鳴維德讀內

經研其奧旨欣然曰醫之道盡是矣頗病大觀以來多

遵用裴陳和劑局方故方新病多不相值後得金季劉

完素張從正李杲三家書讀之知與內經合自以所見

不謬出而用藥如神又病眼科雜出方論竟無全書著

原機啓微又校訂李杲試效方發行洪武十年卒年七

十五

劉勉字仲勉世爲瘍醫投藥輒效迎致者無虛日至元間

以大臣薦召爲尚醫被遇特加尋省臺交舉授保冲大

夫江浙官醫提舉洪武中以名醫召至京後因老病放

龍隆興縣志

卷七十六

人物

三

歸卒於家

吳良字晉卿宋姚真謐文康七世孫所著尚書孔氏傳津

言曾元沂源指治方論考古針灸圖經

沈玄字以潛以字行其先以醫官扈宋南渡歷宋元暨明

皆負醫名前所志良惠是也以潛少孤刻勵宣德初以

醫被徵會院判蔣用文病帝遣中使問曰卿若死誰可

代用文以以潛名進卽擢御醫進對稱旨嘉用文知人

以潛爲人平易質重工詩好琴未嘗求知於人吳文定

寬序其詩行世入錢牧齋列朝詩選楊士奇誌其墓子

寅孫熙能繼其學

吳誠字純伯武進人高祖櫟堂宋名儒父可大徙吳以醫行誠世其業不著名傷寒後有施宗文盛文繼者亦治傷寒奇驗

錢瑛字良玉宗道子世傳顛顛醫宣德中人太醫院寧陽侯孫生九月驚悸數啼而汗百方莫効瑛後至命坐兒於地使掬水爲威驚啼頓止人問之曰時當季春兒豐衣唯不離懷抱熱鬱難泄使近水則火邪殺得土氣則藏氣平故不藥自愈子恒愷悌愷皆世其業孫孔周孔貞

陳公賢字公尚元季良炳之後也七歲而孤長習先世業

乾隆吳縣志

卷七十六 人物

四

以顛顛鳴成化中徵爲醫士一詣部念母老卽歸已復召入御藥房旋授御醫累奏奇效進院判孝宗卽位授廸功郎上章乞歸帝曰如公賢何可使去左右而請益堅遂得致仕卒詔塋祭

周振魯字彥聲正統初徵入太醫院擢楚府良醫老於鄉治危疾奇效

薛鑑字良武府學諸生精醫理弘治間徵爲太醫院屢著奇驗子已字新甫尤殫精醫學正德時選爲御醫擢院判嘉靖間進院使所著有宗居醫錄十六程

曹德字子新無錫人來吳師錢氏爲兒醫盡得其傳徙居

胥江診視投藥計日可愈一達官家以孫病迎德子告曰老父病瘧諸醫莫療德曰先愈祖而及孫可乎兩日間祖孫並起人始知德非專幼科也年踰九十終陳道字本道祖良炳元季以醫著頗傳家傳道爲孟景賜館甥於幼科亦探要領子彥斌孫仲和皆精兒醫世其業

錢宗道宋國醫仲陽之後父元善世傳小方脉最精宗道官晉府爲恭王所眷家有生幼堂相傳三百餘年家雖屢徙而堂名不易

韓夷凝次子少失母育於兄奕爲後因名論孫字子翼洪

乾隆吳縣志

卷七十六 人物

五

武間爲府醫學正科從兄夷字公茂冲之子少稟學於奕永樂初爲燕府良醫正從成祖靖難擢院判上問其有弟否答以弟誥孫嘗師事臣召授御醫改今名字公達賜算致和街尋陞院判夷肩隨夷上命並行超陞夷爲院使扈駕北巡九年歸京卒三品欽葬而陰陽家相穴乃瘞水中遠托夢於上謝曰臣雖荷賜榮終骨肉吾魚而灌潤之害莫可任上卽命官遷葬後上患腹痛夷奏曰聖體所患須用雷丸大黃木香等劑服之下蟲六十二條蓋夷知上嗜水芹善生蟲積久成此病愈賜裘馬復賜第大明門內上欲降賞夷奏夷子傳南僑衛軍

上命右府除戊又授傳官御醫奕卒夷陳情得假歸葬仍給葬費十一年夷隨駕北巡歸病不能朝上命中貴視疾遣人龜卜既沒歎悼賜葬祭視三品夷與夷能以誠勤慎密同時被遇仕皆通顯奕子有字伯承有子充字克美皆守世業

陳錡僖敏鑑弟世醫業錡術尤精爲人謙退多所著述

施文彬字宗文祖仲璠父惟德皆以醫鳴惟德薦入太醫至文彬學益明習定方審藥無出其右絕不矜能責報遇貧者急往治之嘗曰貧人自忽其疾而人亦忽之我不急往恐殆不可爲矣有亡賴嘗侵以非禮弗較既

乾隆吳縣志 卷七十六 人物

六

病困昏夜往救投劑立愈人咸道其心術之良居平謙和飭行年六十而事母依依有孺慕情弟文惠蚤世遺孤男女並無成人爲之婚嫁焉壽躋八十

劉毓字德美其先南都人高祖季德徙吳毓少孤鞠於外

家徐氏徐故居藥爲業遣學於盛寅寅出王賓韓凝而二家本丹溪主養滋不以攻擊取效毓故得其源委成化間毓年老以醫徵官御醫蒙眷久之乞歸上猶問前日白鬚老人安在其賞遇如此

李懋字思勉與劉毓同受學於盛寅得其傳成化間亦徵

爲御醫

錢恒字伯常瑛子以兒醫稱成化間召入太醫院典御藥其術驗授御醫進院判每退內直士大夫迎治孺子疾者戶外僕馬不絕弟體字伯康與兄齊名以濟生爲念酬以金幣一無所取遠近羈挈嬰孩來者相繼於道子純字汝礪能世其業亦仕爲院判

王質幼讀書家貧不遂厥志乃攻醫所遭不偶人罕知之

知府曹鳳偶得疾遍求醫不愈有薦貫手到病痊曹異之聞其用藥與諸醫同而獨效問之對曰醫者意也公體魁梧使與常人等則一身之間藥力豈能周到今以一人而兼兩人之劑用藥同而成功異非有他也後

乾隆吳縣志 卷七十六 人物

七

曹有恙遇貫即療醫名大

陳宦字希承亦公賢子弘治間召入禁典藥上喜其恭謹用藥神效簡二奇方識御寶以賜之歷遷院使加秩至右通政

張冲虛善醫奇效有道人語龜炊火一蜈蚣伏火筒中誤吸入腹痛不可忍延冲視之命碎雞子數枚傾白蠟中令咬之良久痛少定茶生油與嚥須臾大吐則雞子與蜈蚣纏束而下蓋二物氣類相制入腹則合爲一人服其得醫意云

郁審之少爲諸生試不

嘆曰不爲良相必爲良醫日取

素問諸書研窮幽隱析決死生無不驗人爭趨焉

陳邦珍字元秉精析內經究證標本每發玄論若得之於悟後者

李濱字次卿少習醫於其父倫爲縣學生八舉不第抱憤命子業醫濱從盛杜二民游三年得肯綮行之輒効然讀書不事於炫飾人有京暑雨必往病愈則喜不責其報

劉承宗字繼仁別號培橘南漳人世善醫承宗以遺腹生十五從其祖授醫方祖所診療竊識之有大駟祝某得奇疾醫弗能治適祖他往承宗承宗曰易治耳用

乾隆吳縣志

卷七十六

人物

八

某藥可愈諸醫以年少識之然竟愈於是承宗名大著嘉靖甲寅倭變機客兵來援騎而馳多病疫承宗以釜鬲煮藥飲之僵踣立起日應四方延請風雨不辭萬歷初子引道登第人以子既貴不敢以疾來診承宗聞輒赴之年六十五卒

陸遇春字元叔橫塘人幼失怙天資逸羣習舉子業以病廕廢乃學醫醫遂精人賴以生尤有功於貧者性至孝所得藥資盡以娛親又問左子弟無良塾設率比而訓焉善吟咏藏稿於家爲鬱攸所厄萬歷己丑值歲殺饑力賑饑全活甚衆遠近誦其仁德年七十八卒

施夢暘字應章其先自浙徙吳嘉靖丁巳補吳庠生屢試

不售遂習岐黃術洞悉秘奧得註籍醫院萬歷七年奉召入部承事十五年吳中歲凶捐藥資設局海紅坊巷賑濟自丁亥至壬辰六年間水旱頗侵全邑無算今海弘禪寺卽濟貧故址也

楊應春字子化號少川初攻兒醫後兼大方學有根柢察脈投劑輒見神效以濟人爲念不較酬報活貧者尤多性尤靜慈稍有蓄不靳施予登街葺廟叩之必應年八十七終無子閭里哀之

張康忠字孝資別號廉水精脈理時以切脈決人休咎或

乾隆吳縣志

卷七十六

人物

九

懸斷數年後事皆不爽吳興一貴人病致聘百金康忠方服親喪疆之行至則要以更衣康忠愠曰此豈可易哉汝金具在遽取還之趣輿歸貴人不得已聽其麻衣入視時貴人不寐已四十日康忠投一劑卽安寢又更數劑而愈嘉興大家婦病腹痛康忠治之下一蛇其奇效多此類性不治生有所得卽以施道觀或濟貧者及卒家無餘財子允積亦能醫

陳履端號見田精小兒醫著有幼科新書善米家書法本朝

沈頴字朗仲究心岐黃術得東垣派爲吳名醫

沈時譽字明生華亭人徙吳居唐寅舊圃攻醫業晚歲築  
室山間罕入城市著醫衡集

馬俶字元儀得薛立齋之學性好善不乘危取財多所全  
活年八十餘卒著病機彙論印機草

汪光爵字贊功其先世居歙之漁梁父應龍遷于蘇業醫  
光爵以太學生屢試不售後考授州佐父歿遂世其業  
決病死生多奇中性慷慨喜恤貧乏尤急親友患難吳  
中以醫自鳴者往往乘人之急以要重利或朋比矯詐  
光爵以爲恥識者奇其術尤服其品也子曾爲諸生有  
聲乾隆戊午副榜

乾隆吳縣志 卷七十六 人物

十

葉明紳字九章洞庭東山人不惜工費製膏丹以濟人痼  
疾輒效以其祖清寧齋書室匾額爲記由是遠近馳名  
遇貧乏者不索其直卒年八十子二能世其業兼善琴  
就詩工篆隸

方震字青來能以金鏡刮眼雖瞽目立可復明吳興吳園  
次太守以哭子而明喪越數年就震治約以天晴無纖  
雲始可用針明日天宇澄霽曰可矣遂以金針出囊中  
針長寸許從兩目角入初入甚恐既乃無害其針入黑  
睛約半寸如在水晶瓶中所謂內障者卷而去之如風  
之墜簾如雲之過空乃作字以示太守曰某字也震躍

曰是矣卽以紙封兩目裹以絹布七日始開太守感其  
意作還睛記報之其他神效者不可數殆廣漢之郭玉  
彭城之樊阿流亞與卒年六十有六子景賢擅其術盛  
行於世卒年七十一孫文煒能世其業兼通大方脉理  
鄭嗣僑吳縣人先世著有文科秘要僑得其傳盛行于時  
蘇藩胡獻徵以岐業冠軍額表其廬

春秋

公孫聖吳人大差與兵與齊戰道出胥門假寐姑胥之臺

夢入章明宮見兩鑼蒸而不炊兩黑犬啐以南嚙以北  
兩鑼殖宮牆流水湯湯越其宮堂後房鼓震篋篋有鑼

乾隆吳縣志 卷七十六 人物

十一

工前園橫生梧桐命太宰詔占之詔曰美哉王之伐齊  
也章者德鏘鏘也明者破敵聲聞昭明也兩鑼蒸而不  
炊者聖德氣有餘也兩黑犬啐以南嚙以北者四夷服  
朝諸侯也兩鑼殖宮牆者農夫就成田夫耕也流水湯  
湯越宮堂者鄰國貢獻財有餘也後房篋篋鼓震有銀  
工者宮女悅樂琴瑟和也前園橫生梧桐者樂府鼓聲  
也吳王大悅而心不已復召王孫略問之路曰臣鄙淺  
不能占東掖門亭長長城公弟公孫聖多見博觀知鬼  
神之情狀願王問之王乃召公孫聖聖伏地而泣其妻  
謂曰子何姓聖今王急召乃涕泣乎聖曰悲哉非子所

知今日壬午時加南方命屬上天不得逃亡非但自哀  
誠傷吳王吾受道十年隱身避害欲結壽命不意急召  
中世自棄故悲與子相離耳遂詣姑胥臺吳王告其夢  
聖曰臣不言身名全言之必死於王訓臣聞早者戰不  
勝敗走避惶也明者去昭昭就冥冥也入門見鏗蒸而  
不炊者不得火食也兩黑犬嚙以南嚙以北黑者陰也  
北者置也兩銀殖宮墻者越軍入吳伐宗廟掘社稷也  
流水湯湯越宮堂者宮室墟也後房鼓震篋篋者坐太  
息也前囿橫生梧桐者梧桐心空不爲用器但爲盲僮  
與死人俱葬也頌大王按兵脩德遺下吏肉袒徒跣稽

乾隆吳縣志

卷七十六

人物

三

首謝於句踐國可安存身可不死吳王怒顧力士石番  
以鐵鎚擊殺之後夫差亡國悉如聖言

越光有火術吳士身臨試之積薪數千束使光坐上又以  
薪裹之因猛風而燔薪盡光端坐灰中振衣起授書一  
卷吳王視之不能解

吳市吏者公子光欲謀殺王僚未有可與議者乃命善相  
者爲吳市吏伍子胥至吳被髮佯狂跣足垢面行乞於  
市市吏見之曰吾相人多矣未嘗見斯人也非異國之  
亡臣乎遂與俱見王僚

漢

吳泰能筮會稽盧氏失博山香爐使筮之泰曰此物質雖  
爲金其象實山有樹非林有孔非泉闔閭畏興見發青  
烟此香爐也語其處求得之

三國

趙達吳人少從漢侍中單甫學九宮之術能應機立成問  
對若神至計飛蝗射無不中或難曰飛者固不可較此  
殆妄耳達使其人取小豆數斗播之席上立知其數嘗  
過故知爲之具食且曰舍卒乏酒又無嘉肴達取盤中  
雉箸再三縱橫之乃言卿東壁下有美酒一斛鹿肉三  
觔何以辭無酒肴主者笑曰以卿善射特相試耳又書

乾隆吳縣志

卷七十六

人物

三

簡上作千萬數著空倉中封之令達算之達云其數有  
名無實其精微如此吳王孫權吳太平二年長沙大饑  
殺人不可勝數孫權使達占之曰天地川澤相通如人  
四體鼻衄炙脚而愈今餘千口水口暴起一洲形如鼈食  
彼郡風氣可祠而掘之權乃遣人祭以太牢斷其背長  
沙饑遂止達死權求其術秘不出發棺求之竟無所得  
葛衡字思直明達天官能爲機巧作渾天使地居於中以  
機動之天轉而地止以上應晷度

北齊

吳士逸其姓名目盲而妙察聲丞相嗣渤海王高澄名試

之聞劉桃枝聲曰當大貴王侯將相死於其手狀臂如鷹犬爲人所縛耳問趙德聲曰亦貴人問太原公泮聲曰當爲人主聞澄聲無語王曰我家羣奴猶當極貴況吾身乎其後諸王大臣賜死者多桃枝所殺而澄竟有蘭京之禍泮實受賜

吳越

朱景環算術精妙設肆盤門驛貞明中廣陵王錢元璩鎮吳景環上書云到任當三十年安寧元璩命燭焚之謂其說尚遠本之敬也至天福庚子辛丑間忽記其事名景環問之曰算數定矣及期薨

乾隆吳縣志

卷七十六 人物

古

顏觀本玉工錢元璩嘗召術士朱景環問算術遁甲事觀適解玉便聽熟聞其說他日質於景環遂精其術忠獻王嘗欲享廟規上書言翌日利五鼓之前如寅時則杜門在南不可出入不聽果寅時王車出南門鑠以鎗壞久不能啓遂破鑰而出信其神驗王遂以爲軍師

宋

李珣善律歷之學紹聖二年曾肇知滁州命珣爲漏壺以順晝夜一郡則之

祝庶幾通象緯之學果赴不第景德中求試所習以爲司

天靈臺郎

君聘字應求精於相嘗見唐輝以手拊其腰曰異白金琅璫又見顏爲謂其居官必尚猛然可銀琅璫耳衆未以爲然後爲知嚴州頗行鄧都之風輝躋法從其言皆驗

胡舜中紹興間自績溪徙於吳通風土陰陽之術世所傳江西地里新法出於舜中嘗以術行四郭而相之以爲蛇門不當聚作吳門忠告一篇

元

王仁夫字安之善相決死生休咎無不驗人號爲王電目

明

乾隆吳縣志

卷七十六 人物

五

桑宗道恬淡無競舉止閒雅嘗遇南行無疾步好道術多所悟解農有居田間爲物怪所擾乞宗道符篆揭之葵合得安寢覺而窺其外有黑虎蹲其旁怪遂息其行已端厚人又目爲德士

沈晟字景揚吳中卜者永樂不成祖驛取至京命午門上布卦問英國公征交南事占曰大勝之兆明日正午當得捷音其時果有飛騎至報生擒黎賊盡得其國所占一刻不違上大悅賜鈔幣遣還

陳讓號星川長於算法因精天文言日月薄蝕災祥無不

奇中嘗上疏乞正歷法未行

大甘泉失其名好數能知物都御史俞諫以視水泚蘇言  
寇且至令策之曰寇雖必至然未及接而覆其中秋日  
乎已而如所克凡策人即知其生平無爽

徐懋榮字野雲武功伯有貞四世孫性穎悟聰角即能文  
因相其五偏人鄙其貌遂棄舉子業發先世所遺青鳥  
家書讀之未甚省家有真武像相傳爲馬遠筆處事有  
年一夢神揮劍去懋榮頭而更易之既覺攬鏡自鑑  
則頭容已正一時驚爲異爭適遇黃冠桑旣白自江右  
至一見如舊識因出所讀書相與剖析疑義遂精堪輿  
爲張鳳翼周天球文彭文嘉輩所推重晚年與諸君倡  
乾隆吳縣志

卷之六 人物

醜爲樂萬歷乙巳年七十一卒子大衍傳其術更習天  
宮星緯之學明季時夜觀天象謂北斗斗權星暗小知  
吳中必多故命仲子永銘預入浙東括倉山爲邏計  
其幾先之哲如此先是衍曾偕友楊往江北訪一道人  
至山峻處仰望柴扉已預書今日有徐某楊某到此因  
師事之從授六壬秘要七十一歲偶感微疾語家人曰  
頃占六壬課得從革用神入墓吾將逝矣果卒季子永  
鎮克世其業著述彙纂八卷卒年亦七十一

金鬼谷家於郡城中醋庫巷嘗有富商談令肆中適一貧  
者負薪而來告曰我四柱適與同何彼富而我貧也鬼

谷曰汝雖生於此當於南方千里之外亦與富者相埒  
貧者告其母母曰汝有姊在閩中當往求之他日詣姊  
家姊亦甚貧不能容姊知鄰舍有隙所但一宿必見鬼  
物乃使暫宿之貧者入夜寢果見鬼物入穴中遂得黃  
金百鎰上有金鼓覆其上貧者得金致富而歸以金鼓  
報之鬼谷因署其門曰吳中名術金鼓傳家

柳黃岳號山樵吳縣人善卜家貧依姊以居姊曰人生定  
有發跡之日爾盡卜之岳曰卜之矣我來春正月當以  
此起家至元旦有問卜者倉皇而來課成問何事曰爲  
失物耳岳曰失物當在行舟然物仍未失也只在舟中

乾隆吳縣志

卷之六 人物

覓之申酉時可得其八喜曰幸如君言當以五十金奉  
酬是晚果於竈穴得之其人相贈如約自此傾動一時  
而次疑奇中多類此

陳子文曾妙失恃依于舅氏徐玉昭學卜益悟其精微  
兼通于斗斗首五星歷數玉昭明觀察徐道登之孫遂  
於數學後以星卜擅名吳中非其志也釣盡得其秘有  
產子者就釣卜男女釣曰男也且孿生生今日哺時已  
而果然一婦人以夫久出不歸將祝髮爲尼叩釣決去  
就釣曰而夫歸矣若安得爲尼乎忽見門外火光熒熒

有數人排闥而入奔告其婦曰夫頃抵家矣婦驚異而  
去又趙某者緣家累被誣數千金方就逮釣占曰朝廷  
宥汝未幾恩詔至竟免釣之卜多類此郡守盧騰龍顏  
其室曰通儒卜隱然未嘗矜其能釣性謹厚事親以孝  
聞卒年七十

乾隆吳縣志卷之七十六

乾隆吳縣志卷之七十六

乾隆吳縣志卷之七十七

人物

釋氏

支邇

僧朴

清然

文暢

明覺顯

宗秀

惠詮

乾隆吳縣志卷之七十七

洪禪師

眞禪師

普鑑

眞覺守

亮禪師

餘澤

清欲

自厚

力金

無念

智積

惟靖

義師

元達

文瑩

贊寧

毛僧

顯暹

惠顯

有規

琮禪師

法貝

良琦

椿六年

妙覺

時蔚

文琇

僧師

印宗

續定

志勤

道元

道光

道原

仲殊

慧月

懷深

休休菴師

子芳

南楚

慶開

悟本

妙聲

故山

規子和尙

道遵

鑒師

紹宗

法遠

宗本

蝦子和尙

謂三命

唯廣禪師

智圓禪師

月禪師

明本

衍道原

善任

僧琳

智及

一清

明心 脣昭 大祐 惟寅

道澄 道宗 趙頭陀 秋林

吃肉和尚 智勤 剝皮和尚 無盡意

天際 祖任 海性 廣傳

慧侵 通潤 性祇 法藏

圓淨 明河 正志

乾隆吳縣志

卷十七 目錄

二

乾隆吳縣志卷之七十七

人物釋氏

吳多古剎高僧每托蹟焉傳其道行最優者

晉

支遁字道林姓關氏家世奉法往餘杭山沉思道術行驗

獨曠年二十五始釋形入道住剎東岫山後來吳居支

剎山報恩寺南峯院性好鶴鍛其詞不復飛視有懊喪

意後養令鵲成致使飛去又好養名馬謂愛其神駿有

道林集為釋門絕秀今有石室放鶴澗馬跡石皆其遺

踪也嘗訪瞿劭先生於梅里清夜露坐見東南一舍外

乾隆吳縣志

卷十七 人物

舍五色氣詰旦斷地得石函而啓一龜化鳳翔逝因卓

錫開山咸和六年賜額名法輪寺

智積晉陸東晉末自西土來時泗州僧伽持鉢江南至無

錫聞智積創靈巖寺卽向曰彼處已有人矣由此名顯

有貧姬慕共行持角黍為供智積受之姬因得度至今

上巳日號智積誕辰每聚數百姬為角黍會

梁

餉餉尊者梁天監中卓錫寶華山智顯禪院泉隨湧出故

名餉餉泉至今靈源尚存

覬子和尚京兆人梁天監中在洞庭冬夏一衲沿江採掇

螺蛸以充腹暮卽宿白馬廟入目爲蜺子和尙靜禪師聞之先入廟中夜深和尙歸徐捉其衣曰如何是西來意和尙荅曰神前酒盞盤靜曰不虛與我同根生者也僧林郡人大同中入蜀居潼州豆園山禪院累日見巨蟒於前舉首如有叩者林爲投三飯自爾蟒不爲害涪水之陽素無猿林至有二猿渡水來依林棲林去猿復涸還又常露坐赤水巖虎前伏聽林說法久乃去

惟靖入國寧寺禮慧政受天台教常偈星起禪林寺虎隨及寺輒跪地以伺靖出虎復隨去疽發背困睡有鳩鳥糞其瘡未幾而愈又虛米雪置杭地窖中日以菜煮食

乾隆吳縣志

卷七十七

人物

二

過期米常滿焉

唐

印宗精涅槃經咸亨中至京師詔居大敬愛寺辭往蘄春謁恩師遂至廣州遇六祖盡悟其旨著心要集行於世道遠宗遠吳興張氏子年二十受具戒習正觀及法華三昧郡刺史韋元甫尙書劉晏等尊慕宗乘各表奏賜名法華道場天寶元年於靈巖道場行法華三昧忽覩大明燭天身在光中以問荆溪荆溪曰智慧光明從心流出將以顯發第一義天者也

湛然大師中開元寺僧嘗云一念無相謂之空無法不備

謂之假不一不異謂之中在凡爲三因在聖爲三德義師狀如風狂貞元中民起屋忽運斤壞其簷禁之不得人素知其神拜曰弟子生活計賴此師曰爾惜之耶擲斤於地而去是夜市中火惟壞簷屋數間獨存常止廢寺殿中冬夏積火壞幡木像悉燔之好燒鯉魚不具潔而食后而不類類輒雨吳中以爲雨侯將死飲灰汁數斛念佛坐不飲食人聚觀之七日而逝盛暑色不變支亦不摧

續空者吳人本齊君房也游錢塘至孤山寺西饑甚不能前俄有胡僧顧君房等曰法師請旅況否君房曰何哉

乾隆吳縣志

卷七十七

人物

三

僧曰子不憶講法華經於洛中同德寺乎爲饑火所惱不暇憶前事探鉢囊出一棗大如拳曰此我國所產食之知過去未來事君房食訖甚渴掬泉水飲之急欠伸枕石而寢有頃乃寤思講經於同德寺如昨日焉乃落髮

鑒師元和初吳人馮之調選長安有老僧自稱鑒師詣生曰汝吾甥也相與往來歲餘馮徂東越尉鑒師負笈告去曰我廬於靈巖寺之西廡久矣游長安忽十年幸與君相遇今將歸舊居故來告別然君尉越道出靈巖寺下當一訪我後馮生詣寺詢鑒師廬安在僧曰吾曹無